

Daar hang nie 'n swaard bokant ons kop nie

Die legende van Demokles se swaard is stokoud. Cicero (106-43 v.C.) en baie ander skrywers het al hierna verwys. Dit vertel die verhaal van koning Dionisius II, wat aangebied het om vir een dag plekke te ruil met sy hofdienaar Demokles. Dit het gebeur nadat Demokles vir hom gesê het dit moet darem lekker wees om soveel mag en rykdom te geniet. Maar daar was een vangplek. Koning Dionisius het 'n skerp swaard bokant Demokles se kop laat hang. Dit was vasgemaak aan 'n haar van 'n perd se stert. As daardie haar sou breek, sou die swaard vir Demokles deurboor. Demokles het toe op die koning se troon gaan sit, omring deur al sy luukshede. Maar voordat die dag verby was, het Demokles besluit om die troon terug te gee.

Cicero sê hierdie verhaal leer vir ons rykdom en mag is nie alles nie. Nogtans glo vele mense geluk is sinoniem hiermee. Jesus verskil drasties hiervan. In Matteus 5 leer Hy ons van ander skatte wat ewige dividende oplewer. Hierdie skatte is te vind in God se skatkamer. In hierdie skatkamer hang geen swaard bokant ons kop nie. Jesus het dit weggevat toe Hyself aan die kruis gehang het. Nou deel Hy hierdie skatte in oorfloed met al God se kinders. Hy gee oorgenoeg genade, lewe, wysheid, medelye en daaglikse brood aan ons elkeen. O ja, hierdie skatkamer is terselfdertyd ook 'n voorraadkamer wat nooit leeg raak nie. Hier is te veel hemelse skatte vir onself om ooit op te gebruik. Daarom kan ons dit deel met ander. Ons kan vrygewig leef, want ons kan in ewigheid nooit God se skatte opgebruik nie.

Geskryf deur Stephan Joubert

Gemeente – Algemeen

- Dank GOD vir Radiokansel & al die ander radiostasies wat SY Naam groot maak
- Bid vir Vaalpark gemeente se werksaamhede en elkeen wat ook leiding neem in die gemeente
- Bid vir die eredienste; ons lidmate; Onbeperk en ons predikante

Voorbidding vir lidmate

Lottie Conradie
Jaco Steenkamp
Johnny Viviers
Annie Brink
Annika Kilian
Leonie Kruger
Jillian Jansen
Jaap Naudé
Tannie Marinda Jordaan
Tannie Rina vd Vyver
Rudi Kruger
Adri Botha
Willie Viljoen
Stefaans & Rina du Plessis
Danie Theron
Michelle Cowley
Adri Carstens
Carin Wilsenach
Marlie Holtzhausen
Anna Chandler
Nettie Badenhorst
Hannah Bylsma

Dank Gebede

- Dankie HERE vir elke nuwe dag wat U my skenk
- Dankie dat U, U **ENIGSTE SEUN** gestuur het om vir my aan die houtkruis te sterf
- Dankie HERE dat ek kan sit, opstaan, loop, lag, ruik, hoor, proe & omgee & dankie HERE dat U altyd saam met my die pad loop!
- Dankie my GOD vir elke gebed wat gebid word & vir elke gebed wat U verhoor. Dankie dat U ons hand nooit sal los nie.
- Dankie vir U **wondergroot genade...**
- HERE, ek het U lief! AMEN



Wees oor niks besorg nie,
maar laat julle begeertes in alles deur gebed
en smeking met danksegging bekend word by God.
En die vrede van God, wat alle verstand
te bowe gaan, sal julle harte
en julle sinne bewaar in Christus Jesus.
Filippense 4:6-7

Gedagte vir die week

**Ons God is in die
hemel; alles wat Hom
behaag, doen Hy.
Hulle afgode is silwer
en goud, die werk van
mensehande.
Psalms 115:3-4**

Geld sê: Verdien my,
vergeet alles.

Tyd sê: Gebruik my,
vergeet alles.

Die toekoms sê: Kyk vorentoe,
vergeet alles.

GOD sê: Ken MY, onthou MY,
Ek GEE JOU ALLES!



Byvoorbeeld baie dankie vir jou dankoffer...

ABSA Sasolburg; Tjek Rekening
Rekno.: 0520580654
Takkode: 632005